

एव समिद्धतमं मन्येत तदाहुतीर्जुहुयात्समिद्धोमेन ह्येव समृद्धा आहुतयः
 ॥३१॥ स वाऽऋचमनूच्य जुषाणेन यजति । तस्मादिमेऽस्यत्सत्यनस्थिके चक्षु-
 षीऽआश्लिष्टेऽअथ यदृचमनूच्यर्चा यजेदस्थि ह्येव कुर्यान्न चक्षुः ॥४०॥ ते वाऽएते ।
 अग्नीषोमयोरेव द्रुपमन्वायते यकुलं तदाग्नेयं यत्कुलं तत्सौम्यं यदि वेतरथा यदेव
 कुलं तदाग्नेयं यकुलं तत्सौम्यं यदेव वीक्षते तदाग्नेयः द्रुपः शुष्के-ऽइव हि वी-
 क्षमाणस्याक्षिणी भवतः शुष्कमिव ह्याग्नेयं यदेव स्वपिति तत्सौम्यः द्रुपमार्द्र-
 ऽइव हि सुषुपुषोऽक्षिणी भवत आर्द्र-इव हि सोम आजरसः ह वाऽअस्मिं-
 लोके चक्षुष्मान्भवति सचक्षुरमुष्मिलोके संभवति य एवमेतौ चक्षुषीऽआज्यभा-
 गौ वेद ॥४१॥ ॥ ब्राह्मणम् ॥ २[६.३.] ॥

इन्द्रो ह यत्र वृत्राय वज्रं प्रजहार । सोऽबलीयान्मन्यमानो नास्तृषीतीव
 बिभ्यन्निलयां चक्रे स पराः परावतो जगाम देवा ह वै विदां चक्रुर्हतो वै वृत्रो
 ऽधेन्द्रो न्यलेष्टेति ॥१॥ तमन्वेष्टुं दधिरे । अग्निर्देवतानां हिरण्यस्तूप ऋषीणां
 बृहती हृन्दसां तमग्निरनुविवेद तेनैतां रात्रिं सदाजगाम स वै देवानां वसु-
 वीरो ह्येषाम् ॥२॥ ते देवा अब्रुवन् । अमा वै नोऽद्य वसुर्वसति यो नः प्रा-
 वात्सीदिति ताभ्यामेतद्यथा ज्ञातिभ्यां वा सखिभ्यां वा सदागताभ्यां समानमो-
 दनं पचेदजं वा तदहं मानुषः हविर्देवानामिव माभ्यामितत्समानः हविर्निर्वपन्नि-
 न्द्राग्रं द्वादशकपालं पुरोडाशं तस्मादिन्द्राग्रो द्वादशकपालः पुरोडाशो भवति ॥३॥
 स इन्द्रोऽब्रवीत् । यत्र वै वृत्राय वज्रं प्राहरं तद्यस्मये स कृश-इवास्मि न वै
 मेद् धिनोति यन्मा धिनवत्तन्मे कुरुतेति तथेति देवा अब्रुवन् ॥४॥ ते देवा अ-
 ब्रुवन् । न वाऽइममन्यत्सोमाद्विनुयात्सोममेवास्मै संभरामेति तस्मै सोमः सम-
 भरन्नेष वै सोमो राजा देवानामन्नं यच्चन्द्रमाः स यत्रैष एतां रात्रिं न पुरस्तान्न
 पश्चाद्दृशे तदिमं लोकमागच्छति स इहैवापश्चौषधीश्च प्रविशति स वै देवानां